

續資治通鑑長編卷四十七

宋 李燾 撰

真宗

咸平三年夏四月庚戌徙知鎮州客省使蔚州刺史慕容德豐知滄州先是戎馬南牧德豐繕兵固守餉道無阻詔書嘉獎焉德豐輕財好施宴享將士必極豐飫母留京師妻孥寓長安甚匱乏上聞而憫之特詔給團練使俸

太子太保贈司空諡正惠呂端疾甚上再親臨問焉是日卒中使護喪事追封其亡妻李氏爲涇國夫人四子並遷官

先是詔知雄州何承矩入朝州民百餘詣闕貢馬求承

矩再任壬子復遣承矩知雄州還民所貢馬承矩上言
曰臣聞兵家有三陣日月風雲天陣也山陵水泉地陣
也兵車士卒人陣也今用地陣而設險以水泉而作固
建爲陂塘互連滄海縱有敵騎何懼奔衝昨者戎人犯
邊高陽一路東負海西抵順安士庶安居卽屯田之利
也今順安西至西山地雖數軍路才百里縱有邱陵岡
阜亦多川瀆泉源儻因而廣之制爲塘埭則可戢敵騎
息邊患矣今緣邊守將多非其才心不知書耳不聞善
不守疆界動誤國家雖提貔虎之師莫遏鯨鯢之眾伏
望遴擇疆吏出牧邊民厚之以俸祿使充其心借之以
威權使嚴其令然後深溝高壘秣馬厲兵爲戰守之備
修仁立德布政行惠廣安輯之道訓士卒開田疇勸農

耕畜芻粟以備凶年完長戟修勁弩謹烽燧繕堡戍以防外患來則禦之去則備之如此則邊城安堵矣且邊鄙之人多負壯勇識羌戎之情僞知山川之形勝望於邊郡置營召募不須等其人才止求少壯武力令及萬人俟契丹有警任智勇將統而用之乃中國之長算也

承矩正傳便於此下稱又上疏論榷場按事當在五年春後今移見五年四月

癸丑殿前都指揮使河西節度使范廷召自定州來朝甲寅河北守城舉人康克勤等三十人對於便殿上親閱試以彊弓勁弩克勤善左右射擊劒擢中選者十八人並補三班借職 贈故西京左藏庫使劉紹榮爲左神武大將軍誠州團練使故西京作坊副使李守倫爲崇儀使武州刺史皆死於王均之亂者也

乙卯改葬元德皇太后於永熙陵側奉神主祔享別廟

有司言入廟鹵簿當減陵之半詔勿減勿減鹵簿實錄在下卯今附見

丙辰禁黃河私渡船從轉運使劉綜之請也太子中

書舍人王儼言前知趙州契丹遊騎至城下有學究米

著勇而善射命召募壯士百人守捉南門訖敵退無敢

窺其門者上命召對試以勁弓補三班借職王暉百一

外郎王儼吳越故臣時方入貢至都下具所聞以達錢

氏冀申儆戒後歸朝任太子中允知趙州遇契丹入寇

河朔諸郡皆閉壁自守儼獨啟城門以示之敵騎往復

不敢窺訖事朝廷嘉之遷守濟州壽九十三歲實錄獨

事當考是日王均自升仙橋分路來襲官軍聚兵於

東偏雷有終率眾逆擊大敗之殺千餘人奪其繖蓋金

槍等物均單騎還城

丁巳徙天雄軍都部署殿前副都指揮保順節度使葛

霸爲邠甯環慶都部署徙鎮州路副部署楊瓊副之
詔諸州行軍司馬節度防禦團練副使上佐司士文學
參軍非特許簽署不得掌事

己未下詔戒敕朝士使各務進修毋得自棄怠 初供

備庫副使李允則知潭州將行上謂曰朕在南衙畢士
安道卿家世今以湖南屬卿允則始至州大火民無居
舍多凍死允則亟取官竹假民爲屋及春而償民無流
徙官用亦不乏初馬氏暴斂州人歲出絹謂之地稅及
潘美定湖南計屋每間輸絹丈三尺謂之屋稅營田戶
給牛歲輸米四斛牛死猶輸謂之枯骨稅民輸茶初以
九斤爲一大斤後益至三十五斤允則請除三稅茶以
三十斤半爲定制又山田可以蒔禾而民惰不耕乃下

令月給馬芻皆輸本色由是山田悉墾會歲饑欲發官廩先賑而後奏轉運使以爲不可允則曰須報必踰月則飢者無及矣不聽明年又饑復欲先賑轉運使固執不可允則請以家貲爲質乃得發廩賤糶因募饑民堪征役者隸軍籍得萬人轉運使請發所募兵禦郡州蠻允則曰今蠻不擾無名益戍是長邊患也且兵皆新募飢瘠未任出戍遂奏罷之於是民列允則治狀詣安撫使者請留使者以聞詔書嘉獎及召還連對三日上曰畢士安不謬知人矣

本傳謂安撫使乃陳堯叟以咸平二年三月安撫廣東西不及湖南

或是往還經湖南耳又今年正月堯叟方如陝西體量

恐此奏或非堯叟也又按實錄但稱吏民請留允則及

嵐州張允正不云安撫使奏今姑從允則傳但沒使者

姓名蠲牛稅在四年八月丙午今并書允則召還當考

其年

辛酉上御便殿閱兵神騎副兵馬使焦握自言盤鐵槊十五斤命試之握舞於馬上往來如飛擢爲本軍使壬戌賜應制舉人林陶同進士出身陶就試學士院不及格上方欲求俊茂故特獎之河東轉運使范正辭言請自今幕職官到任半年令長吏通判具能否以聞從之

乙丑命兩制館閣詳定武舉武選人入官資序故事旣而未嘗行也

去冬趙安仁疏稱今武舉已議復行當指此也

戊辰詔自今兩京諸路所解舉人宜先察訪行實或藝文可采而操履有虧投書匿名飾詞訕上之類並嚴加懲斷勒歸鄉縣課役永不得就舉如輒敢解送所由官吏必當論罪仍令御史臺糾之太子少傅致仕贈太

子太保辛仲甫卒諡康節

己巳以魯山縣令李旦爲大理寺丞賜緋時縣民劉用聚徒造符讖謀作亂旦知之盡擒其黨部送至闕下御史臺鞫問得實故旌賞焉用等並磔於京城諸門連逮者杖脊配流遠惡處其親戚交舊不問

庚午知浚儀縣樊證求外任上謂宰臣曰京師浩穰赤縣最爲要劇官得其人則民事皆理宜擇有操守不畏權豪者任之

證陳州人

辛未雷有終遣其姪奉禮郎孝先齋所奪王均槍繖入奏上以示左右因問孝先破賊之由笑謂殿前都指揮使范廷召等曰此鼠竊耳雖嬰城自守計日可禽矣

孝先傳王均反孝先隨季父有終進討與賊戰升仙橋斬首數百得均金槍黃繖以獻改將作監丞與此昭合

但此編於三月甲午日已載遣子孝若馳奏等語而宋史於雷孝若亦云改補供奉官似有重複舛誤之處

張思鈞恃平賊功頗驕恣巴西尉傅翱有善馬思鈞

求之翱不與思鈞怒託以饋運稽期輒斬之翱家詣闕

訴冤乃命供備庫副使開封張煦爲綿漢等州都巡檢

召思鈞付御史臺鞫治罪當斬特貸死削籍流封州思鈞

削籍實錄在十月壬子今并書之思鈞召歸下獄則無其時據續者舊傳及國史皆繫於四月今因雷孝先奏捷附見其事

王申以西京左藏庫使郭崇信卒不視朝贈福州觀察

使命中使護葬事崇信守文次子也諸司無贈官廢朝

之例以后兄故恩禮優異焉右諫議大夫知益州牛

冕削籍流儋州西川轉運使祠部郎中直集賢院張適

削籍授連州參軍初冕適奔東川東川人弗納詔令赴

闕至長安就令制劾法官議冤當死詔特貸焉其通判以下並就加貶黜初張詠自蜀還聞冤代己詠曰冤非撫眾才其能綏輯乎既而果然

癸酉魯山賊劉用等七人與龍衛軍使張能坐共占星變說讖緯欲結眾爲亂並磔於京城諸門緣坐如律同謀者二人亦斬連逮者杖脊配流遠惡

乙亥詔諸州毋得給公憑與僧往緣邊游禮 詔川峽

幕職州縣官並二年注替

五月丁丑朔德音降天下死罪囚流以下釋之十惡至死劫殺故殺謀殺犯枉法贓論如律淮南江浙荆湖等路及近京諸州民曾經調發及新歸業者並除其去年逋稅天下逃田鄉縣失於開破均稅在村保者卽於放

免河北及淄青齊州舉人經蕃寇蹂踐處免取解天下吏民有武藝及材力過人者令長吏薦送赴闕益州亂軍除王均及其同謀人不赦外應脅從軍民如能歸順並當釋之

川峽官吏將校請受銅錢一準鐵錢五者倍給先是宰相張齊賢上言今之所患錢貨未多望擇使臣往逐處相度添價及招誘人戶淘采鉛錫仍按行銅山易得薪炭處置監鑄錢如此二年閒可得百五十萬貫既遣虞部員外郎馮亮見未內供奉官白承睿往幹其事庚辰亮等言饒池江建州歲鑄錢百三十五萬貫銅鉛皆有餘羨乃以亮爲江南轉運副使兼都大提點江南福建路鑄錢事承睿同提點焉

李繼遷寇麟州濁輪寨鈴轄西京左藏庫副使劉文質

擊走之癸未賜詔嘉獎文質本傳云文質為濁輪寨鈴轄蕃酋萬寶移來寇文質擊走

之乘勝拔其寨獲牛羊器甲萬計賜錦袍金帶

鄆州觀察推官王瞻自言前任集州有禦賊之勞乙酉

以瞻為西頭供奉官

丁亥徙知同州工部侍郎寇準知鳳翔府準為通判劉

拯所訟故也準本傳自同州朝京師行次闕鄉又徙鳳翔與實錄異實錄別本或云為通判劉拯

從吏所訟然載此

代州部署昭化留後孔守正自言四任雁門邊亭久安

願徙東北前鋒戊子以守正為定州副部署

辛卯詔曰去歲天下舉人數踰萬人考覈之際繆濫居

多蓋其薦送之時輒容僥倖合申典憲以儆官司又自

前貢院舉奏諸州不合格舉人朝廷每慮停殿人多或與寬宥將懲前弊再示明文自今濫有解薦及遺落孤寒實藝之士並從覆試有不當者悉論如律

壬辰馬步軍副都指揮使威塞節度使王漢忠自涇原來朝

丙申上御便殿遷補軍職凡十一日而畢自龍衛右第

二軍都指揮使恩州刺史周訓而下遞遷者千三十一

人

周訓未見

對禮部尚書溫仲舒於崇政殿之北軒凡五

刻

上以多雨慮妨秋穫令中官於近郊取麥穗出示

輔臣其粒實皆無傷焉上悅甚

丁酉右神武軍將軍錢惟演爲太僕少卿惟演俶子也

幼好學於是獻所爲文召試學士院而有是命

戊戌詔深濱博洛祁州乾甯軍民經蕃戎寇掠不任耕稼者千三百九十八戶無出來歲租官吏存撫之

己亥詔御史臺獄流死罪令給諫以上錄問開封府死罪選朝官錄問初宋覃聶泳等坐私以銅錢易鐵錢下御史獄並決杖配役已而太宗知其冤詔問覃覃泣稱臺司不容辯說必令如所訊招罪太宗憫之乃詔自今御史臺每奏獄具差官詣臺錄問其後廢不舉至是復行焉

覃杖育在太平興國七年實錄景德三年獨爲覃隱按此可見也

知福州殿中

侍御史馮伉卒詔賜其家錢十萬伉子元應同學究出身伉謚之子也歷典藩郡皆有政迹故特褒卹焉

庚子詔權罷貢舉一年

王均之亂有亡命卒數百人冒夜叩梓州城求入知州

左諫議大夫馮起以其誠僞未可知弗卽納俄悉叛去
朝議謂起無方略乃召還至圃田壬寅復命知金州居
數月起拜章自陳乃徙襄州先是詔都官郎中直史
館劉蒙叟等試河北青齊等州舉人得合格者五百八
十二人上親試之於是賜進士齊革等十三人諸科三
百四十五人及第同出身有下第求試武藝及量材錄
用者五百餘人各賜裝錢慰遣之命禮部敘爲一舉若
能捍寇卽賞以官秩

甲辰河決鄆州王陵埽浮鉅野入淮泗水勢激悍侵迫
州城命步軍都虞候張進內侍副都知閻承翰等率諸
州丁夫三萬人往塞之又遣使存卹災傷之民給以口
糧知州馬襄通判孔勗坐免官巡隄左藏庫使李繼元